

## ¡BOMBA!

Ya no es cuestión de promesas, ahora se impone el realismo; nuevo sello del *trumpismo* es impuesto a las remesas



# K'uintsil

Edición de fin de semana, del viernes 23 al domingo 25 de mayo de 2025

CAMPECHE · YUCATÁN · QUINTANA ROO · AÑO 10 · NÚMERO 2483 · [www.lajornadamaya.mx](http://www.lajornadamaya.mx)

## KOOS,

### KU YILA'AL BEEY JUNTÚUL "KILI'ICH BA'LACHE"



Jaytúul ornitólogose' ku ya'aliko'ob "kili'ich" ch'ika'an ti' úuchben azteca áanalte' precolombinos; yaan ku yila'al u máan u jaant tu' ba'al yóok'ol bejo'ob, ba'ale' kex beyo' ku máano'ob ts'o'on. U k'aaba' ich káastelan t'aane': caracara quebrantahuesos.

Juntúul ch'íich' falconiforme ti' Falconidae baatsil. U cinetífico k'aaba'e', *Caracara plancus*.

"Lela' juntúul ch'íich' ku máan chuuk. Ku p'isik ichil 55 tak 60 centímetros, ts'o'oke' tu ka'anail u poole' óol boox; u wíinkilal yéetel u kaale' óol sakpose'en; tu tseem yéetel u paache' yaan u kóoch t'oolil, yéetel u sakbooxil", tu tsolaj Jacqueline May Díaz, máax beetik u k'a'aytajilo'ob Desarrollo y Medio Ambiente, A.C.

Tu tsikbaltaje' kéen jo'op'ok u xik'náal ch'íich'e', ku ch'ikpajal jump'éeel mancha tu xiiik', ts'o'oke' u neje' samal sak yéetel jump'éeel boox't'ool. "Chaknúul u yoot'el, je'el u jeelo'ob ku máan u jaant tu' ba'al".

Ku yojéelta'al leti'e' ch'íich'a' tumen u yaan u k'u'uk'mel tu tseem, óoli' beey chak-koobe', ts'o'oke' tu paache' óol boox.

Jbiólogo Fermín Chaidez Ochoa tu tsikbaltaj ch'íich'e' ku yila'al Argentina, Bolivia, Brasil, Colombia, Chile, Costa Rica, Paraguay, Perú, Ecuador, Uruguay, Venezuela yéetel México.

Tu lu'umil México, yaan kaja'an ichil u k'áaxil Área de Protección de Flora y Fauna "Laguna de Términos".

"Juntúul ba'alche' ku kanik kuxtal ti' jejeláas lu'um'ob, le beetik uts u yilik u yantal ti' k'áaxo'ob yéetel tu'ux yaan che'ob; yaan ti' noj kaajo'obi".

Juntúul ch'íich' ku máan u kaxt tu' ba'al u jaantej, mantats' ku kaxtik ba'alche'ob yach'a'an yóok'ol bej, tu ya'alaj xbióloga Estela Díaz Montes de Oca.

Kex beyo' ku máan chuuk: ku jaantik ik'elo'ob, yéetel mejen ba'alche'ob, beyxan ch'íich'o'ob.

OOHEL MIKE STEWART

ESPECIAL: FAUNA NUESTRA | P. 42 YÉETEL 43